

UKIUMUT NALUNAARUT 2013 / 2014 RED BARNET KALAALLIT NUNAAT (MEEQQAT IKIORTIGIT)

Aallartilluarpoq

3. december 2013 Meeqqat Ikiortigit Kalaallit Nunaanni sulinerata oqaluttuarisaanera pingaaruteqartuuvoq. Tassami ulloq taanna namminersorluta Save the Children iluani peqatigiiffinngorpugut - Red Barnet Danmark "qullersaralugu". Tassanngami aningaasatigit ilisimasatigullu ikiorneqarsimannikkaluarutta tamanna timitalerneqarsinnaasimassanngikkaluarimat. Maanna uagut, peqatigiiffittut nammineertutut, aaliangiussineq piumassutsimillu takutitsineq qujamasuutigaaqut, aallaqqaataaniillu suliniarnitsinni siunnerfittut takorluugarput tunaartariuarlugu:

"Kalaallit Nunaat meeqqat tamarmiusut peqataasinnaanissaannut, napasinnaanissaannut, ineriartorsinnaanissaannut illersorneqarnissaannullu, aqutissiuussillunilu isumannaarinninnissaq".

Peqatigiiffik aallaqqaataaniilli piginnaasatigit tunuliaqutisatigullu siammasissumik tunngaveqartunik siulersuisumini inuttaqartarsimavoq. Tamannalu pilersitsiniarnermi nukittoqutaasimavoq taamatummi piffissaq 2014/2015 taasariqarmat. Siulersuisut taaneqartutut siammasissuseqartumik iluseqartumik katitigaanerat Red Barnet Danmarkimi peqqissaartumik sioqutsisumillu Tillie Martinussen siuttoralugu pileersaarusiugaasimavoq, ilusiliineq maanna siulersuisut sulinerminni tunuliaqutigilluagaat.

Kinguneratigullu Tillie Martinussenimik generalsekretæritut inissiineq aqutigalugu tunaartarisat, attaveqarnerit, sammisanut piginnaaneqarnerit aammalu peqatigiiffiup ingerlataanik pitsaanerpaamik inerisaanerit, tunngavilerneqarsimapput.

Ukiuni tulliuuttuni qitiutillugit samminiakkagut

2014-imi februarimi siulersuisut periusissanik ilusiliippat 2018-ip tungaanut tunngavigineqartussanik. Tassanilu sammiviit pingasut pungaarnertut ingerlatsivigineqartussatut aaliangiunneqarput:

1. Meeqqat angerlarsimaffiit avataannut inissinneqarnikut
2. Meeqqat erngertumik iliuuseqarfigineqartariartutut inissisimasut
3. Meeqqat pillugit sinnerlugillu oqaaseqartartuunissaq

Ingerlanniakkatsinnik timitaliinissatsinni pinngitsoorsinnaanngilagut peqatigiiffiup assigiinngitsutigit aningaasat pissarsiarisinnasai. Aningaasat aammali nukissat/suleqataasinnaasut taassuma iluani aamma siulersuisuni ilaasortaasut imminneq sulisinnaassusiat aammalu immineq piumassutsiminnik ikiuukkumasut il.il apeqqutaalluinnarput.

Qaanaami Nuummilu immikkoortortaqrifiit ukiorpaalunngortuni siunertalersugaalluartunik meeqqanut inuussuttunullu suliniutinik ingerlataqartarsimapput. Taamaattumik siulersuisut sumiiffinni immikkortortaqrifinni suleqataajumasunik naammattunik pissarsisinnaasarnissaat aamma pingaartilluinnarpaat.

Siulersuisiinerit sumiiffinnilu immikkoortortaqrifiit akunnerminni oqaloqatigiillutillu attaveqatigiittarnerat aallaqqaataaniilli tunniussaqrifiulluartaarlunilu pitsaasuusimavoq. Siulersuisuunerillu tulluusimaarutigalugulu nuannaarutigivaat, summiffinni suliniuteqartut meeqqanut inuussuttunullu arlaatigut atugarliuuteqartunut malunnaatilimmik suliniuteqartanerat.

Maannamut angusaqareeqaagut

Nuna tamakkerlugu immikkoortoqarfik avammut ersarinnerulersimavoq aammalu qaamatini 10-ni kingullerni attaveqarfeqarneq malunnavissumik aallisimavoq. Nuna tamakkerlugu peqatigiiffiup soorliu ilaatigut, nuna tamakkerlugu NGO-t allat suleqatigilersimavai – Kalaallit Nunaanni meeqqat piginnaatitaaffii pillugit suliniuteqarfik, Mælkebøtten – Namminersorlutik meeqqanut inussuttunullu eqqugaasinnaanermut sanngiinnertut inissisimasunut suliniarfusooq, Kalaallit Nunaanni Politiit allallu meeqqanik sullissinermik aallaaveqartut allat.

Nuna tamakkerlugu peqatigiiffik tamaviaarpoq aningaasaqarnerup tungaatigut patajaallisaaniarsaraluni maannarpiarlu suniutit arlaqarput meeqqanut inuusuttunullu atatillugu nuannaarutissaasunik imaqtartut ingerlanneqarput.

Suariartorluarsimavugut sumiiffinni ikiuukkumasinnaasunik pissarsiuussilluta suliniuteqarnitsinni aammalu suariartorfiuvoq ammasumik oqallissutaasut iluini kiinnertarnerput.

Aasariartulersooq Sumiiffigisami immikkoortortaqarfik pisortatigoortumik Det Kongelige Grønlandfondimi sinniisumit H.K.H. Prins Joachim-imillu peqataaffineqartumik, tikeraarneqarpoq. Tamannalu malugilluarneqartoq – aamma oqaloqatiginnillunil tusagassiutinit apersuinerit aqutugalugit – taamallu piffissap sivikitsup iluani ingerlatsinerput piunerpullu avammut erseqqissarneqarluni.

2014-imilu aasangitsiarnerani nuna tamakkerlugu peqatigiiffiup, minnerunngitsumillu generalsekretæriusup Pam Stach peqatigalugu ingerlanniakkanut aningaasassarsiuussinerit ingerlassimavai. Pam-ilu Copenhagen Maratonimi peqataasimavoq internetikkullu attaveqaatit atorlugit saqqummiussaqaqtarsimalluni nunatsinni meeqqanut inuusuttunullu unamminartut pillugit. Ingerlanneqartullu ilinniutaalluaannaratik aammali soqutiginartuusimapput taktitsissut internet atorlugu, meeqqat inuusuttullu atugaannik avammut nittarsaanniaraanni, kinguneqarluarsinnaasoq – aammalumi tamanna suleqatigineqalersinnaasunut tinnersaataalluarsimavoq.

Taamatut iliornerit uatsinnut ersarissaataapput, saqqumilaarnerillu kingunerisaannik aningaasaateqarfiit arlaqartut peqatigiiffiup ukiut tulliini suliniutiginiagaannut soqutiginitsinneqalersimapput.

Ukiap ingerlanerani isumalluarpoq sumiiffinni immikkoortortaqarfiit nutaat marluk pilersinneqarsinnaajumaartut, tassalu Ilulissani Upernavimmilu, tamakkulu tassa isumalluarneqalersimapput generalsekretærip sumiiffinni pineqartuni ataatsiititsineratigut, summiffinnilu naapiortprugit inuit sulerusussuseqartut, oqartussaasut ingerlatsisuusullu. Taamallu tassa nuna tamakkerlugu peqatigiiffik isumalluarpoq ukiuni aggersuni suli annertunerusumik nukittorsaasoqarsinnaalerumaartoq.

Pilersaarutit siulliit

Isumassarsiarpassuit ingerlanneqarsinnaasullu maanna oqallissuutaareerlutillu allarnisarniarneqalereerput. tamakkulu tamarmik 2018-ip tungaanut siunnertarisatsinnut naapertuuttuupput. Isumaqaarpugullu immikkut pingaaruteqartoq, suliniaqatigiffinnik allanik suleqatigiinnissamut periarfissiinerat.

Ukiumut nutaaamut isertinnata pilersaarutit taaneqartut pillugit timitaliiniarnissamut aningaasassarsiuussinerit ingerlanneqassapput. Pilersaarutit siulliit meeqqanorluinnaq angajoqqaajusunullu sammisuussapput aammalu arlaat inersimasut sunngiffinni meeqqat inuusuttullu sammisaqarnissaannut susassaqtinnissaannullu sammisuussallutik.

Aallartinnissarput qilanaaraarput 2015-illu ingerlanerani tulliullugit ingerlakkusutat aamma pileersaarusiulereerpagut.

Ikiisoqangippat – Meeqqat Ikiortigit ingerlasinnaassangilaq

Red Barnet Danmarkip 2013imi 2014-imilu aningaasatigut tapersiinera pisimangikkaluarpat, ullumikkut nuna tamakkerlugu peqatigiiffeqassangikkaluarpoq. Aningaasanimmii tapiinerit periarfissiipput maanna ingerlanneqartunik ineriartortitseqqissinnaalernermut allatigullu peqatigiiffimmik aallartitsisinnaatinnani pisariaqartumik inissinneqaqqartariaqartut isumannaarneqarnissaannut.

Qujanartumik aamma Kalaallit Nunaanni suliffeqarfiit arlaqartut pilersitsiniarnerup ingerlanerani, ullorllumi manna tikillugu, ikiuipputtaaq. Taamaattumik **uummammit qutsavigiumavagut:**

Suliplus

Grønlands Revisionskontor

Grønlands Arbejdsgiverforening

Grønlandsbanken

Aammalu qutsavigiumavagut sumiiffinni peqatigiiffiit immikkoortortaqarfigut taakkunanilu **immineq kajumissutsiminnik suleqataasut**, Meeqqat Ikiortigit-ip nuna tamakkerlugu sulinerani peqataareersimasut.

Neriuppugut 2015-imi suli annertunerusumik suleqatgiissinnaajumaarluta – Kalaallit Nunaanni meeqqat inuussuttullu iluaqutigisassaannik.